

nottofft to gebuytē/alle na rechter vnderfcheyt des gewichs  
tes/taill vnd marke/fulkomelick anwysen vñ ouerantworden  
vnd sulcke ouerantwordinge schal van nyen ordentlick yn eyn  
Inuentariū vñ vortekenisse anderweyde beschreue/ vnd dorck  
de Erbar manne/ Rede/ vnd veerhantwercke yn namē ganz  
ger vorsamlinge/ vorsegelt/ vnd in gemenen kassen weddōme  
dar vp thobereten/ hynderlecht werden.

## De nyen vofstender erhalinge by den olden tho hebben.

So mögē ok de nyen vofstender/ so vaken yd one notk syn  
wert/by dē olden erhalinge hebbē/ welkores syt de olden vof  
stender/vñe der ere goddes vnd gemenes nattes wyllē nycht  
beswerē/sunder trawē vnderriht vñ Radt mede delē scholē.

Tho wader orkand/vnd vp dat diisse vnse broderlyke vor  
eninge/ yn alle ōren bonē geschreue artikelē/stücken vñ punctē  
nicht anders/wan allene/to der ere goddes/vnde leue des eue  
Christen mynschē vñ also gemenē nutte tho gude/ dorck eyne  
yngeparrede vorsamlinge alkyr to Leysnick/ to aller tyd scal  
gehandelt/ gebuyt vnd gehantbauet werdē trawelick vnde  
ane alle geuerde/ hebbē wy Erbar manne myt namen Baltas  
sar van arras/ Bastian van Kotteritzsch vnd Sigmundt van  
Lauff/ vnse angebornen Ere yngesell/ Vnd wy de Radt vn  
ser stadt secret/ vnd wy gesworē hantwerckmeyster der veer  
hantwercke. Nömlick Dockmaker/ Becker/ Schoster/ vnde  
Boddeter/ vnse gewontlyke hantwercks Segell/ van wegen  
vnd vp bydden aller vnd ytlyker ynwoner/ yn der stadt vnde  
dorperen vnser parrampts effte kerckspeel/ myt opentlyker  
rechter wettenfchop/ vor vns vnd vnse nakomē yngeparrede  
vorsamlinge/ an diisse yegenwordige vnse beschriuinge don an  
hengē. Gescheen vnd gegeben to Leysnick na Christi vnser  
leuen heren geboort Dusent viffhundert vnd ym dre vnd twint  
zigsten jare.

Dat wortk Goddes blyfft ewichlyken.